

JABATAN PERKHIDMATAN VETERINAR MALAYSIA

LAPORAN LIPUTAN MEDIA

1 Ogos 2020

1. Amukan lembu korban
2. Lembu seludup disuntik hormon
-Penyeludup rintis belukar tebal bawa masuk haiwan korban

OLEH:

**SEKSYEN KOMUNIKASI KORPORAT DAN ANTARABANGSA
BAHAGIAN PERANCANGAN
JABATAN PERKHIDMATAN VETERINAR MALAYSIA**

KERATAN AKHBAR

Tarikh: 1 Ogos 2020

Media Cetak/Elektronik	Harian Metro	Catatan:
Ruangan	Lokal	
M/Surat	12	
Perkara	Kebajikan Haiwan	

Amukan lembu korban

Gua Musang: Seekor lembu yang mahu dikorbankan sempena Aidiladha ditemui mengganas selepas hilang selama 12 jam bermula 7 malam kelmarin.

Pemilik lembu itu, Hafizi Ramli, 31, berkata, dia menyedari lembu jantan bernilai RM4,000 itu hilang selepas tali mengikatnya di tiang pagar di tepi rumahnya di Kampung Kolam Emas, putus.

Katanya, gerakan menca-

ri segera dilakukan mem-babitkan penduduk kam-pung.

"Syukur Alhamdulillah, ia dijumpai semula dalam semak dekat Bukit Chekati di kampung seberang pada 7 pagi hari ini (semalam).

"Namun lembu ini ganas ketika kami mahu menangkapnya dan nyaris kami ditanduk," katanya di sini, semalam.

Hafizi berkata, ternakan itu untuk korban bagi tujuh

bahagian individu dan upa-cara penyembelihan dilaku-kan pada jam 10 pagi di lo-kasi penemuan.

Katanya, ia pengalaman pertamanya berhadapan lembu hilang dan 'melawan' apabila ia mahu dikorban-kan.

"Belum pernah saya berhadapan situasi begitu se-lama ini. Kami terpaksa buat penyembelihan di kawasan itu demi keselamatan semua orang," katanya.




LEMBU milik Hafizi yang hilang ditemui di kawasan semak berhampiran Bukit Chekati, semalam.

KERATAN AKHBAR

Tarikh: 1 Ogos 2020

Media Cetak/Elektronik	Berita Harian	Catatan:
Ruangan	Nasional	
M/Surat	14-15	
Perkara	Penguatkuasaan	



Sebahagian lembu seludup yang berjaya dirampas.



Dua lori membawa 40 lembu seludup ditahan di Kampung Jubakar, Tumpat.
(Foto ihsan PGA)



Lembu seludup disuntik hormon

Berat haiwan boleh naik sehingga 10kg dalam 2 minggu

Oleh Nor Fazlina Abdul Rahim dan Syaherah Mustafa
bhnews@bh.com.my

Rantau Panjang: Lembu yang diseludup dari negara jiran ke negeri ini, disuntik hormon penggalak bagi menyegerakan tumbesaran dan meningkatkan berat sehingga mencecah 10 kilogram dalam masa dua minggu, sebelum dijual kepada pelanggan.

Perbuatan yang tidak diketahui kesannya ke atas manusia itu, dibuat pihak berkenaan semata-

mata, mahu mendapatkan harga lebih tinggi apabila dijual kepada pembeli.

Penyeludup lembu yang enggan namanya disiarkan, mendakwa hormon yang dianggap sebagai vitamin itu, diperolehi dari negara jiran pada harga RM50 sebotol dan boleh digunakan untuk kegunaan lima ekor lembu.

"Ada dua cara diberikan kepada lembu, sama ada melalui minum atau suntik. Jika disuntik, proses tumbesaran lebih cepat berbanding diberi secara minuman.

"Bahan ini meningkatkan selera makan lembu memandangkan persekitaran baharu kerana di negara jiran, kebanyakannya diberi makan rumput kering berbanding di sini, kita memberi rumput basah.

"Jadi itu pentingnya bahan ini kerana sebelum diseludup ke Ma-

laysia, lembu dikurung di sekitar sempadan selama dua minggu menyebabkan berat badan lembu merosot kerana makanan tidak mencukupi," katanya.

Beliau berkata, sebaik lembu berkenaan berjaya diseludup ke negeri ini, ia akan dijaga selama dua minggu terlebih dahulu bagi memastikan beratnya meningkat, sekali gus membolehkan harga lebih tinggi diperolehi.

"Menerusi pemberian vitamin itu, berat lembu berkenaan boleh naik sehingga tujuh puluh kilogram dalam masa dua minggu sebelum diserahkan kepada pembeli," katanya.

Pada masa sama, beliau turut mengakui aktiviti penyeludupan lembu di negeri ini, tidak lagi rancak seperti dulu kawalan ketat sempena Perintah Kawalan Pergerakan (PKP).



Hormon yang dipercayai menyegerakan tumbesaran lembu

Penyeludup rintis belukar tebal bawa masuk haiwan korban



Setiap individu dibayar RM30 bagi menarik seekor lembu dalam jarak tertentu dan sepanjang proses penyeludupan lembu, sindiket dipercayai membayar dua atau tiga individu sebelum lembu berkenaan dimuat naik ke dalam lori.

Azhari Nusi,
Pegawai Pemerintah PGA7

Kita jangka aktiviti seludup lembu lebih aktif pada Aidiladha, namun setakat ini keadaan masih terkawal hasil kerjasama baik dengan agensi lain yang menjalankan operasi sepanjang Sungai Golok.

Mohd Azam Yahya,
Pengarah MAQIS Kelantan

Rantau Panjang: Kawalan ketat di sempadan negara di negeri ini, sejak Perintah Kawalan Pergerakan (PKP) akibat pandemik COVID-19, mendorong sindiket penyeludupan lembu menukar modus operandi kegiatan mereka. Berdasarkan modus operandi, sebelum ini penyeludup membawa masuk ternakan seludup itu secara gerombolan, namun menjelang sambutan Aidiladha kali ini, taktik itu diubah kepada pergerakan skala kecil.

Mereka juga tidak lagi menggunakan laluan biasa, sebaliknya merintis belukar tebal sebagai laluan atau lokasi transit lembu dari negara jiran.

Tinjauan bersama Batalion 7 Pasukan Gerakan Am (PGA7) terhadap antara lokasi utama penyeludupan lembu iaitu Pangkalan Antah di Jeram Perdah, mendapati belukar tebal di situ sudah dirintis penyeludup hingga boleh dilalui pacuan empat roda.

Dari jalan utama untuk ke pangkalan yang terletak di tebing Sungai Golok itu, penulis dibawa pacuan empat roda untuk perjalanan kira-kira 10 minit dengan laluan mencabar termasuk menterai anak sungai.

Sepanjang perjalanan itu, beberapa kali kenderaan tersekat akibat kayu besar diletakkan di tengah laluan dipercayai halangan yang dilakukan penyeludup bagi menyukarkan pasukan keselamatan memasuki belukar berkenaan.

Pegawai Pemerintah PGA7, Superintendent Azhari Nusi, berkata walaupun kawalan ketat dilakukan sepanjang PKP, masih berlaku kegiatan penyeludupan lembu memandangkan permintaan tinggi sempena Aidiladha.

Katanya, keuntungan lumayan iaitu seekor lembu dibeli dengan harga RM2,000 di negara jiran boleh dijual pada harga RM4,000 juga mendorong penyeludup men-

cari jalan membolehkan lembu berkenaan dibawa ke negara ini.

"Namun, kita percaya kemasukan lembu seludup berkurangan tahun ini berbanding tempoh sama tahun sebelumnya.

"Jadi tidak mustahil harga lembu untuk ibadat korban pada Aidiladha menjadi lebih mahal berikutan lembu seludup sukar dibawa masuk," katanya ketika ditemui di sini.

Mengulas lanjut katanya, penyeludup biasanya mengumpul gerombolan lembu di sekitar tebing Sungai Golok di sebelah negara jiran sambil memantau pergerakan pasukan keselamatan negara ini sebelum menyeludup masuk ternakan itu sebaik berpeluang.

Katanya, kegiatan itu akan dilakukan tengah malam sehingga awal pagi atau ketika hujan dengan membawa masuk binatang seludup itu secara berskala kecil.

"Pada masa sama, sudah ada individu yang menunggu di sebelah Rantau Panjang untuk menarik lembu berkenaan di lokasi yang dirasakan selamat.

"Setiap individu dibayar RM30 bagi menarik seekor lembu dalam jarak tertentu dan sepanjang proses penyeludupan lembu, sindiket dipercayai membayar dua atau tiga individu sebelum lembu berkenaan dimuat naik ke dalam lori.

"Di Rantau Panjang sahaja, sekurang-kurangnya tujuh pangkalan haram dikenal pasti aktif untuk kemasukan lembu seludup," katanya.

Katanya, perahu digunakan untuk menarik lembu berkenaan juga tidak memakai enjin bagi mengelak kegiatan itu dikesan pihak berkuasa.

"Setiap tahun penyeludup lembu ini menggunakan modus operandi berbeza bagi mengaburi pihak berkuasa. Namun kita tidak gentar dan berusaha keras bagi mengekang kegiatan penyeludup-

pan di sempadan," katanya.

Sementara itu, Pengarah Jabatan Perkhidmatan Kuarantin dan Pemeriksaan Malaysia (MAQIS) Kelantan, Mohd Azam Yahya, berkata tangkapan lembu seludup di sepanjang sempadan Sungai Golok tahun ini, berkurangan kepada 37 ekor bernilai RM120,000 sepanjang tempoh Januari sehingga Julai.

Beliau berkata, jumlah itu jauh berkurangan, berbanding tempoh sama tahun lalu iaitu sebanyak 359 ekor membabitkan nilai lebih RM1 juta.

Katanya, hanya ada lima kes membabitkan penyeludupan lembu tahun ini, berbanding tahun lalu mencatatkan 22 kes, sekali gus menunjukkan satu impak positif bukti kerja keras agensi penguat kuasa menjalankan tugas menjaga sempadan negara.


"Kita menjangkakan aktiviti seludup lembu lebih aktif pada Aidiladha, namun setakat ini keadaan masih terkawal hasil kerjasama baik dengan agensi lain seperti Pasukan Gerakan Am (PGA) dan Angkatan Tentera Malaysia (ATM) yang menjalankan operasi sepanjang Sungai Golok.

"Kes sebegini diasiat mengikut Seksyen 11(1) Akta Perkhidmatan Kuarantin dan Pemeriksaan Malaysia 2011 (Akta 728) yang membabitkan kesalahan membawa masuk lembu tanpa permit import yang sah oleh Jabatan MAQIS, selain Sijil Kesihatan Veterinar dari negara asal.


"Jika disabit kesalahan, boleh didenda tidak melebihi RM100,000 atau dipenjara selama tempoh tidak melebihi enam tahun atau kedua-duanya sekali," katanya.

Mohd Azam berkata, tindakan tegas terus diperketatkan di semua pintu masuk sempadan pada Aidiladha bagi memastikan kawalan penyakit haiwan, ikan, tumbuhan serta jaminan keselamatan makanan terpelihara.

Lembu yang diseludup dari Thailand berjaya dirampas anggota PGA7 di Kampung Nibong, Tumpat. (Foto Ihsan PGA)



Laluan belukar diteroka penyeludup untuk dijadikan jalan yang boleh dilalui pacuan empat roda.



Pegawai Gerakan PGA7 menunjukkan laluan sungai yang digunakan penyeludup untuk membawa lembu dari Thailand di pangkalan haram Antah, Jeram Perdah, Rantau Panjang. (Foto Syahberah Mustata/BER)